

## ხელშეკრულება №74

“10” დეკემბერი 2023 წ.

ქ.გორი

### 1. ხელშეკრულების მხარეების ზუსტი დასახელება და რეკვიზიტები

1.1 “სახელმწიფო შესყიდვების შესახებ” საქართველოს კანონის 10<sup>1</sup> მუხლის მესამე პუნქტის “ვ” ქვეპუნქტისა და 2015 წლის 17 აგვისტოს სახელმწიფო შესყიდვების სააგენტოს თავმჯდომარის №13 ბრძანების მე-3 მუხლის პირველი პუნქტის “ვ” ქვეპუნქტის თანახმად, ერთი მხრივ (შემდგომში შემსყიდველი) გორის, კასპის, ქარელისა და ხაშურის მუნიციპალიტეტებში სახელმწიფო რწმუნებულის ადმინისტრაცია (მისამართი: ქ.გორი, ფერადის ქ. №5) სახელმწიფო რწმუნებულის მიხეილ შაყულაშვილის სახით და მეორე მხრივ (შემდგომში მიმწოდებელი/შემსრულებელი) შპს „ქართული ღვინის სახლი“ (მისამართი: ქ.გორი, თამარ მეფის ქ. №26) მისი დირექტორის სერგეი სუმარაკოვის სახით ურთიერთშეთანხმების საფუძველზე ვდებთ წინამდებარე ხელშეკრულებას შემდეგზე:

### 2. ხელშეკრულების საგანი

2.1. სასმელები და მონათესავე პროდუქტების (CPV159) შესყიდვა. (იხ. დანართი №1)

### 3. ხელშეკრულების ჯამური ღირებულება

3.1. ხელშეკრულების ჯამური ღირებულება განისაზღვრება 800 (რვაასი ლარი) ლარით.

### 4. სამუშაოს შესრულების ეტაპობრივი ვადები

4.1. მიმწოდებელი ვალდებულია უზრუნველყოს შესყიდვის ობიექტის მიწოდება ხელშეკრულების გაფორმებიდან მიმდინარე წლის 26 დეკემბრამდე, შემდეგ მისამართზე: ქ.გორი, გრ.ფერადის ქ. №5.

### 5. მიღება ჩაბარების წესი

5.1. შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

5.2. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

5.3. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები, დაწუნებული შესყიდვების ობიექტის წუნდების მიზეზების მითითებით.

### 6. შესყიდვის ობიექტის ხარისხი

6.1. შესყიდვის ობიექტი უნდა იყოს მაღალი ხარისხის და შეესაბამებოდეს დადგენილ სტანდარტებს.

## 7. ანგარიშსწორების ფორმა, გრაფიკი და ვადები

7.1 ანგარიშსწორება მოხდება უნაღდო ანგარიშსწორების წესით.

7.2. შემსყიდველი ვალდებულია მოახდინოს თანხის გადარიცხვა მიღება-ჩაბარების აქტისა და/ან ანგარიშ-ფაქტურის წარმოდგენიდან 10 სამუშაო დღის განმავლობაში, შემოტანილი საქონლის საერთო ღირებულების შესაბამისად.

## 8. მხარეთა უფლება-მოვალეობანი

8.1. მიმწოდებელი იღებს ვალდებულებას მიაწოდოს შემსყიდველს მის მიერ მოთხოვნილი შესყიდვის ობიექტი ხელშეკრულების პირობების შესაბამისად.

8.2. შემსყიდველი იღებს ვალდებულებას აუნაზღაუროს მიმწოდებელს ფაქტობრივად მიწოდებული საქონლის საფასური ხელშეკრულების პირობებში ასახულ ვადებში და ფორმით.

## 9. მხარეთა პასუხისმგებლობა ხელშეკრულების პირობების დარღვევისათვის

9.1. შემსყიდველი უფლებამოსილია შემოტანილი საქონლის მიწოდების ვადის გადაცილების შემთხვევაში დააკისროს მიმწოდებელს პირგასამტეხლო ყოველ გადაცილებულ დღეზე დროულად მოუწოდებელი საქონლის ღირებულების 0.5%-ის ოდენობით.

9.2. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო ყოველ გადაცილებულ დღეზე გადაუხდელი თანხის 0.5%-ის ოდენობით.

9.3. იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულების 4 (ოთხი) პროცენტს, შემსყიდველს ან მიმწოდებელს უფლება აქვთ შეწყვიტონ ხელშეკრულება.

9.4. ხელშეკრულებით ნაკისრი ვალდებულებების არშესრულება და/ან არაჯეროვნად შესრულება განიხილება, როგორც ხელშეკრულების მოშლის საფუძველი.

9.5. ხელშეკრულებით ნაკისრი ვალდებულების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ საქართველოს კანონმდებლობის შესაბამისად.

## 10. ფორს-მაჟორი

10.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვევულ იქნა ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა დაუძლეველი ძალით. თუ ისინი უშუალო ზემოქმედებას ახდენენ ხელშეკრულების შესრულებაზე, ხელშეკრულების შესრულების ვადა გადაიწევის შესაბამისი დროით (გარდა საბიუჯეტო ასიგნებების მკვეთრი შემცირებისას) გარემოებათა დასრულების შემდეგ.

10.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

### 11. ხელშეკრულების მოქმედების ვადა

11.1 ხელშეკრულება ძალაშია ხელმოწერიდან და მოქმედებს 2024 წლის 31 იანვრამდე.

### 12. დავების გადაწყვეტის წესი

12.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი, არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა გარემოების ირგვლივ.

12.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

### 13. ხელშეკრულების ინსპექტირების პირობები

13.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოსცადონ შესყიდვის ობიექტი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

13.2. შემსრულებელი ვალდებულია საკუთარი ხარჯებით აღმოფხვრას კონტროლის (ინსპექტირების) შედეგად გამოვლენილი ყველა დეფექტი ან ნაკლი.

13.3. ხელშეკრულების პირობების შესრულების კონტროლს განახორციელებს გვანცა ცომია - გორის, კასპის, ქარელისა და ხაშურის მუნიციპალიტეტებში სახელმწიფო რწმუნებულის აპარტის მეორე კატეგორიის უფროსი სპეციალისტი, ხოლო მიღება-ჩაბარების აქტის გაფორმებას განახორციელებს თემურ სამხარაძე - გორის, კასპის, ქარელისა და ხაშურის მუნიციპალიტეტებში სახელმწიფო რწმუნებულის აპარტის მესამე კატეგორიის უფროსი სპეციალისტი.

13.4. ამ მუხლის არცერთი პუნქტი არ ათავისუფლებს შემსრულებელს მოცემული ხელშეკრულების გარანტიისა ან სხვა ვალდებულებებისაგან.

### 14. ხელშეკრულებაში ცვლილებების შეტანა

14.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.

14.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია გამართოს მოლაპარაკებები მეორე მხარესთან შესაბამისი ინფორმაციის შესახებ ან წერილობით აცნობოს მოსალოდნელი ცვლილებების შესახებ.

14.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს კანონმდებლობით გათვალისწინებული შემთხვევებისა.

14.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14.5 ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად და ინახება ხელმოწერ მხარეებთან.

ყოველივე ზემოაღნიშნულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველი: გორის, კასპის, ქარელისა და ხაშურის მუნიციპალიტეტებში

სახელმწიფო რწმუნებულის ადმინისტრაცია,

სახელმწიფო რწმუნებული

მიხეილ შაყულაშვილი

(შემსყიდველის სახელი, გვარი, თანამდებობა)



საბანკო რეკვიზიტები

შემსყიდველის ბანკი: საქართველოს სახელმწიფო ხაზინა

კოდი: TRESGE22

ანგარიშსწორების ანგარიში: GE24NB0330100200165022

საინდეტიფიკაციო კოდი: 217889514

შემსრულებელი: შპს „ქართული ღვინის სახლი“

დირექტორი სერგეი სუმარაკოვ

(მიმწოდებლის სახელი, გვარი, თანამდებობა)

ხელმოწერა \_\_\_\_\_

საბანკო რეკვიზიტები

მიმწოდებლის ბანკი: სს „საქართველოს ბანკი“

კოდი: BAGAGE22

ანგარიშსწორების ანგარიში: GE19 BG00 0000 0365 8869 90

საინდეტიფიკაციო კოდი: 217 892 680

ფასთა ცხრილი

№	მომსახურების (საქონლის) დასახელება	CPV	რაოდენობა	ერთეულის ფასი (ლარში)	საერთო ღირებულება (ლარში)	საქონლის (მომსახურების) მიწოდების ვადა	საქონლის (მომსახურების) მიწოდების ადგილი
1	სასაჩუქრე ღვინო „საფერავი“	159	20	22	440	2023 წლის 26 დეკემბრამდე	ქ.გორი, გრ.ფერავის ქ. #5
2	სასაჩუქრე ღვინო „გორული მწვანე“	159	20	18	360		
სულ					800		

შენიშვნა: საქონლის ერთეულის ფასსა და საერთო ღირებულებას შორის სხვაობის შემთხვევაში უპირატესობა ენიჭება ერთეულის ფასს.

შემსყიდველი: გორის, კასპის, ქარელისა და ხაშურის მუნიციპალიტეტებში  
სახელმწიფო რწმუნებულის ადმინისტრაცია,  
სახელმწიფო რწმუნებული  
მიხეილ შაყულაშვილი

მიმწოდებელი: შპს "ქართული ღვინის სახლი"  
დირექტორი სერგეი სუმბარაკოვ

(მიმწოდებლის სახელი, გვარი, თანამდებობა)



(მიმწოდებლის სახელი, გვარი, თანამდებობა)

ბ.ა

ინტერესთა კონფლიქტის თავიდან აცილების პირობები

ქ.გორი

„20“ დეკემბერი 2023 წ.

ჩვენ, ქვემოთ ხელის მომწერი ვადასტურებთ, რომ გორის, კასპის, ქარელისა და ხაშურის მუნიციპალიტეტებში სახელმწიფო რწმუნებულის ადმინისტრაციის მიერ სასმელები და მონათესავე პროდუქტების სახელმწიფო შესყიდვისთვის, გამარტივებული შესყიდვის საშუალებით გასაფორმებელ ხელშეკრულებაში, ჩვენი მონაწილეობა არ ეწინააღმდეგება ”სახელმწიფო შესყიდვების შესახებ“ საქართველოს კანონის მე-8 მუხლის პირველი პუნქტით გათვალისწინებულ მოთხოვნებს.

გორის, კასპის, ქარელისა და ხაშურის მუნიციპალიტეტებში  
სახელმწიფო რწმუნებული



მიღება-ჩაბარებაზე პასუხისმგებელი პირი  
გორის, კასპის, ქარელისა და ხაშურის მუნიციპალიტეტებში  
სახელმწიფო რწმუნებულის აპარატის  
მესამე კატეგორიის უფროსი სპეციალისტი

თ.საჩხაძე  
თემურ სამხარაძე

გორის, კასპის, ქარელისა და ხაშურის მუნიციპალიტეტებში  
სახელმწიფო რწმუნებულის აპარატის  
მეორე კატეგორიის უფროსი სპეციალისტი

გვანცა ცომაია

გ.ა.